

إيمان الكنيسة التقليدي في كتبة أسفار العهد الجديد | ميخائيل

مكسي إسكندر

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع من قناة الدعوة الاسلامية على اليوتيوب وفيديو جديد هيبقى ضمن سلسلة دراسة الكتاب المقدس. بنكمل في دراسة عامة للكتاب المقدس اللي هو بيمثل وجهة النظر الالمانية التقليدية فيما يخص الكتاب المقدس وبنركز تحديدا على كتب - 00:00:00

اسفار الكتاب المقدس في سياق الكلام على انقطاع اسانيد كتب اهل الكتاب كتب العهد القديم وكتب العهد الجديد. الفيديو اللي فات خلصنا فيه الكلام اسفار العهد القديم بالاسفار القانونية الثانية. وعرفنا ان فيه بعض الاسفار فيه شبه اتفاق ونقدر نقول باختصار ان فيه ثلاث مواقف رئيسية - 00:00:25

فيما يخص كتبة اسفار العهد القديم. يا اما فيه زي اتفاق على سبيل المثال اصفار موسى الخمسة يا اما فيه عدم معرفة هم ما يعرفوش ما يعرفوش زي ما قلنا صفر استر وسفر ايوب والمزامير اللي مش مكتوب عليها اسامي وسفر يهودات. ومعهم كمان المكابيين الاول - 00:00:45

والثاني يا اما فيه خلاف حول مين هو الكاتب هل هو عزرا هل هو ارميا هل هو بروخ الى اخره ايا كان الخلاف يعني. وقلنا قطعاً ولا شك ان عدم معرفة الكاتب ده دليل قطعي على انقطاع السند. وايضا الخلاف حول من هو كاتب السفر دليل قطعي على انقطاع السند - 00:01:05

حتى في حالة الاتفاق لابد من تقديم الدليل التاريخي على هذا الاتفاق ولا يوجد. هنبدأ الان الكلام عن اسفار العهد الجديد فهنا بيتكلم مقدمة يضم العهد الجديد سبعة وعشرين صفرا اربع قناجيل وسفر اعمال الرسل زائد واحد وعشرين سفرا تعليميا. انا بصراحة اول مرة - 00:01:25

شوف هذا التقسيم يعني. انا لما بشوف تقسيمات اسفار العهد الجديد اه بلاقي اربع ناجيل واعمال الرسل. وبعدين الرسايل وسفر الرؤية. والرسايل بتتقسم لرسايل بولس والرسايل الكاثوليكية او الرسايل العامة. ما علينا. هنا بيقول كلمة انجيل كلمة يونانية معناها خبر مفرح او بشارة موجبة للسوء - 00:01:45

الروحي واسم الانجيل يطلق على بشارة واحدة او على كافة اسفار العهد الجديد. كما ورد في القرآن الكريم. ده على اساس ان القرآن الكريم لما بيتكلم عن الانجيل ده بيتكلم عن اسفار العهد الجديد. مسل هذا الكلام يحتاج الى رد قبيح. يعني كلام قبيح يتقال. وبعدين ببزعلوا - 00:02:05

لما المسلمين يتكلموا في المسيحية. بص هو ايه اللي بيخلي الناس تزعل وتتضايق وتغضب وتتفرز وتتعصب ويركبها العفاريات! لما ناس تانية يتكلموا عن دينهم. مثل هذا. هو السبب. هذا الجهل الفج الفظيع الفاجر هو السبب. وبعدين يقول لك - 00:02:25

ده مفروض واحد باحث يعني هو اللي بيقول الكلام ده. طبعا من حق المسيحي انه يزعل لما يلاقي واحد مسلم بيتكلم عن المسيحية وهو جاهل جهل شديد. رغم ان في الغالب لما في واحد باحث مسلم بيتكلم عن المسيحية بيبقى بيتكلم عن علم لكن المسيحي هو اللي مش عارف العلم ده مش قضيتنا. لكن انه يتقال - 00:02:45

ان كلمة الانجيل بتتقال على كافة اسفار العهد الجديد. كما ورد في القرآن يا بجاحتك يا اخي. المفروض ان اغلب عارفين ان القرآن

الكريم بيتكلم عن الانجيل اللي ربنا انزله على سيدنا المسيح عيسى ابن مريم. فالله عز وجل بيقول واتيناه - [00:03:05](#)
الانجيل ان الله عز وجل اتى المسيح الانجيل. كتاب اسمه الانجيل. والانجيل ده له مواصفات من ضمنها انه بيبشر محمد صلى الله عليه وسلم. فالمفروض المسيحيين اللي عارفين الكلام ده ببيقوا فاهمين والله فيه مسيحيين فاهمين. ببيقوا عارفين ان مفهوم الانجيل عندنا انه - [00:03:25](#)

لو اطلقناه على اسفار العهد الجديد فهذه كتب تم كتابتها بعد رفع المسيح. وان المسلم لما بيعتقد في الانجيل بيبقى قصده على كتاب نزل على المسيح لكن احنا ما بنؤمنش بكتاب انزل من السماء. ده القمص عبدالمسيح بسيط ابو الخير كاتب كتيب - [00:03:45](#)
طيب في الموضوع ده. هل الانجيل كتاب انزل من السما؟ حسب ايمانك انت! لأ. حسب ايماننا احنا! ايوة ما علينا. هنا بيقول لك واعتبر القديس الشهيد مية وخمسين ميلادية الانجيل شهادة او مذكرات صحيحة من القديسين الرسل ليسوع المسيح واعماله وتعليمه حتى - [00:04:05](#)

عثمان فدائه على الصليب. يوجد بين اناجيل القديسين متى ومرقس ولوقا. كثير من التشابه بصفة عامة. ولذلك سميت الاناجيل ماشي. يرجع البعض ان انجيل القديس مارمرقس الرسول هو اقدمها من حيث الكتابة. وده اللي عليه اغلب الناس دلوقتي. وبعدين بقى الكلام ده - [00:04:25](#)

كلام ايماني انه كتب ماري مرقس بشرطه في روما قبل مجيء الى مصر. هو مين مار مرقس؟ مار يعني القديس يعني قبل مجيء الى مصر وكتب مرلوقة بشرطه خلال حبس القديس بولس في قيصرية بفلسطين. وكتب القديس يوحنا انجيله في افاسيس وفيما يلي دراسة عامة لاناجيل اربعة. انا انا - [00:04:45](#)

يعني مش فاهم الراجل ده بيكتب على اساس ايه. انا والله العظيم احيانا كتيرة باشك في نفسي. كتب مارمرقس كتب مرلوقة كتب القديس يوحنا بغض النظر اشمعنى ده ما قلتش ماري يوحنا فين الانجيل الرابع؟ يعني انت اشمعنى اتكلمت - [00:05:05](#)
مرقس ولوقا ويوحنا وما قلتش متى بالمرة كتب فين؟ مش فاهم والله. طيب. سبك يا عم هو هيتكلم دلوقتي عن انجيل مرمى الرسول اسم كاتب الانجيل قل لي كده. القديس مار متا. ده موقع الانبا تاكلا. ده طقوس الكنيسة القبطية الارثوذكسية. قاموس المصطلحات الكبيرة - [00:05:23](#)

مار او ميرت. كلمة سريانية معناها سيد ومؤنثها مارت او مارت مورت بضم الميم وسكون الراء مورت للرجل ومراي السيدة. اما ماري فتعني سيدي. وانتقلت هذه الكلمة السريانية الى الاقباط وانتشرت بينهم - [00:05:43](#)
لهم كلقب للشهداء والقديسين. كقولنا مارجرس مارمينا مار مرقس مورتس مريم. وفي التقليد السرياني تطلق الكلمة ايضا على البطارقة اسمه العبري الاول لاوي. وحمل اسم متى من الكلمة العبرية ميسايس وتعني حرفيا عطية الله - [00:06:03](#)
كان مديرا لجمارك عشارا بكفر ناحوم على بحيرة طبرية. احنا عرفنا الكلام ده منين؟ خلي بالك الكلام ده مذكور في الانجيل. فيه نص مشهور جدا اظن متى التسعة تسعناشر اللي هو ان المسيح كان ماشي فشاف واحد جالس على السور اسمه كزا. فالمسيح قال له قم اتبعني فالشخص ده - [00:06:23](#)

اقام وتبعه. فيه انجيل بيسمي الشخص ده متى. وفيه انجيل بيسمي لاوي بن حلفي. فهم قالوا بما ان الموقف واحد يبقى هو نفس الشخص يبقى هو له اسم. لاوي وله اسم. متى. رغم ان التسمية دي غريبة يعني انه يبقى له اسمين بالعبري فيه ناس - [00:06:43](#)
بتقول لك ده اسمه لقب ما علينا. هنا قال لك اهو كان على بحيرة طبرية وقد زاره السيد المسيح في عمله الرسمي وطلب منه قائلا اتبعني فقام في الحال وترك العمل والمال وكل المسؤوليات وتبع المخلص لحياة التكريس بدون تفكير. شف هنا بقى اللمة الروحية وكمر مرة دعانا الرب يسوع - [00:07:03](#)

للخدمة او لحياة التكريس فاعتذرنا بالمشاغل. انما القديس متى المسيح قال له قم اتبعني فعلى طول قام وتبع ادي النصين اهو متى تسعة تسعة مقابله مرقس اثنين اربعناشر. وفيما يسوع مجتاز من هناك رأى انسانا جالسا عند مكان الجباية - [00:07:23](#)
اسمه متى؟ فقال له اتبعني فقام وتبعه. النص ده اصلا من ادلة ان متى هذا ليس هو كاتب الانجيل لانه المفروض لما ييجي يتكلم عن

نفسه حتى لو انا مش هذكر اسمي في الكتاب. لكن لما اجي اتكلم عن نفسي اتكلم بضمير المتكلم - [00:07:43](#) فيما يسوع مستثمر هناك رأيي جالسا عندما كان الجباية. انا اسمي متى فقال لي اتبعني فقامت وتبعته. مرقص يقول ايه هنا قال لك ده اسمه متى. هنا قال لك في موريس اثنين اربعتاشر وفيما هو مجتاز رأيي لاوية بن حلفة جالسا عند - [00:08:03](#) مكان الجباية فقال له اتبعني فقام وتبعه. طبعاً نفس الاسلوب اسلوب الغايب. ليه؟ لانه هو نفس اللي بنفهمه هنا نفس اللي بنفهمه هنا لكن ما حدش ادعى ان لو بن حلف ده كاتب انجيل مرقص يعني. لكن هم بيدعوا ان متى ده هو كاتب انجيل مت؟ طب هنا يقول متى وهنا - [00:08:23](#)

بين حلفا قال لك ما دام الموقف واحد لكن الاسم مختلف يبقى ده اسمه وده اسمه. ايه الدليل لا يوجد هو كده اجتهاد. خل بالك الخلاف في الاسماء ده موجود. ما فيش مشكلة يعني. هنا يقول ايه؟ كتبه بالعبرية. وتم ترجمته لليونانية - [00:08:43](#) اهو ده الايمان التقليدي لان الالباء يقولوا ان متى كتب اقوال الرب بالعبرية وشرحنا المشكلة دي خمسين مرة. ايه الدليل ان اقوال الرب اللي اتكتبت بالعبرية اترجمت لليوناني ما فيش دليل. وقلنا ان الاشكالية دي ليس لها حل ومش هشرحها دلوقت. هنا يقول ان هو - [00:09:03](#)

كتب بالعبرية لليهود الذين امنوا بفلسطين. مستعينا بنصوص كثيرة من اسفار العهد القديم لكي يبرهن لهم ان يسوع الناصري هو المسية او المسيح المنتظر كنا عملنا فيديو عن النقطة دي تحديدا نقطة استخدام كاتب انجيل متى لنصوص العهد القديمة علشان يثبت ان يسوع هو المسية او المسيح - [00:09:23](#)

المنتظر الفيديو ده غالبا ه يكون منشور على القناة قبل ما الفيديو ده يتنشر فهحط اللينك تحت في الوصف. ندخل بقى على انجيل مارمرقس الرسول. فقال لك برضو القديس ماري مرقص الرسول ما علينا كان له اسمان. عرفنا ده منين؟ اصل والله فيه نص في اعمال الرسل بيتكلم عن واحد اسمه - [00:09:43](#)

كان اسمه يوحنا. فمرقص ده اسمه اليوناني او اللاتيني ويوحنا ده اسمه العبراني لان المفروض كلهم يهود من فلسطين في اساميهم يهودية هنا بقى خل بالك هنا قال لك ايه ده مرقص ده كان له اسمين يوحنا ومارقص. ومارقص يعني مطرقة وكان من الرسل السبعين. قلنا في - [00:10:03](#)

ان المسيحي اختار سبعين واحد وقال لهم الى مدينة للسامريين لا تدخلوا مش عارفين بقى اذهبوا بالحري الى خراف بيت اسرائيل الضال. يبقى فيه حاجة اسمها الرسل السبعين او الاثنين وسبعين - [00:10:23](#) الخلاف في الرقم آآ تحريف في النص. وهو غالبا الرقم كان اثنين وسبعين لكن هم حرفوه علشان يخلوه سبعين علشان سبعين كان مقبول له دلالة زي السبعين شيخ والسبعينية ومش عارف كده يعني. وقد اقام السيد المسيح في بيته العشاء الرباني وحل الروح القدس فيه على التلاميذ يوم - [00:10:33](#)

خمسین وقد خدم مع القديس بولس ومع خاله برنابا ومع القديس بطرس. كله. عارف هو هنا يقول الكلام ده ليه علشان يحل الخلاف اللي موجود في التقليد. انا اكاد اجزم يقينا ان ما فيش مرجع تقليدي بيذكر كل ده - [00:10:53](#)

انه كان من السبعين. وانه خدم مع بولس ومع بطرس. هو جمع الخلاف في قول واحد هنا. لان في اراء بتقول هو كان من السبعين وفيه اراء بتقول لأ ده هو كان بيخدم بطرس. سكرتيه او ايا كان. وفيه اراء بتقول لأ ده هو كان بيخدم بولس. لكن - [00:11:13](#) رأيي يقول الثلاثة مع بعض ده كان من السبعين وخدم بولس وخدم بطرس! فيه ايه يا جدعان! بالراحة مش كده! قال لك ده خدم بمفرده في عدة اماكن منها ليبيا الشرقية الخمس مدن الغربية ومصر حتى استشهد في الاسكندرية سنة ثمانية وستين - [00:11:33](#) بالك العلماء يقولوا ان فيه بعض العلامات او بعض النصوص في الاناجيل بتخلينا نقول لأ ده هو مكتوب بعد سنة سبعين شو معنى سنة سبعين اللي هو هدم الهيكل ومش عارف مين. الموضوع ده ممكن نتكلم عنه بالتفصيل فيما بعد. لكن الفكرة ايه؟ انه غالبا كتبت الاناجيل دي اتكتبت - [00:11:53](#)

بعد ما الناس اللي انتسب لهم الانجيل كانوا ماتوا خلاص. سواء كان متى ولا مرقص ولا لوقا وحتى يوحنا اللي يقال انه وعاش لغاية

ما كان عنده ميت سنة ولا ايا كان. العلماء يقولوا الانجيل بيحتوي على علامات ان لا يمكن يكون الكاتب شاهد عيان ولا يمكن يكون يهودي - [00:12:13](#)

من فلسطين. هنا قال لك يرى البعض ان انجيل مرقص هو اول الاناجيل في تسجيله. طبعا ده ضد التقليد. وانه استمد مادته من القديس بطرس الرسول الذي لازمه في روما حيث سجله هناك. والواقع ان مرقص كان شاهد عيان لاحداث المسيح وانه كتبه باليونانية لغة العلم في - [00:12:33](#)

خلي بالك الفكرة ايه هنا؟ ان اللي بيقول ان انجيل مرقص اول الاناجيل ده بيعتمد على تصور ونظرية عليها ادلة. واللي بيقول قل انه استمد مادته من القديس بطرس. ده تقليد بيقول كده. وخلي بالك المهم في الموضوع انه يعني ايه استمد مادته من القديس - [00:12:53](#)

بطرس يعني لولا بطرس ما كانش هيعرف. يبقى هو مش شاهد عيان. يبقى هو مش من السبعين رسول. فده بيضرب في مصادر تانية. وهنا قال لك الواقع ده انت جبتة منين؟ الايمان. انت عايز تخلي مرقص شاهد عيان وبالتالي هو مش محتاج انه يستمد مادته من بطرس - [00:13:13](#)

طبعا فكرة انه كتب باليونانية فكل اسفار العهد الجديد مكتوبة اصلا باليونانية لغة العلم لا مش لغة العلم ايه هو احنا بنكتب فيزياء اللغة الرائجة اللي منتشرة في حوض البحر الابيض المتوسط. زي الانجليزي في هذه الايام. انا عايز اكتب حاجة وانشرها ما بين الناس - [00:13:32](#)

فايه هي اللغة اللي اغلب الناس هتكون عارفاها اليوناني؟ المفروض بعد كده انجيل قديس لوكا. ادي هنا انجيل القديس لوقا وهنا قال لك القديس لوقا ما قالش القديس مرلوقه ما علينا. في اليونانية لوكاس في اللاتينية لوكانوس. حامل النور. هو اممي من انطاكيا. وقد صار - [00:13:52](#)

يهوديا ثم امن بالمسيحية. انت عرفت الكلام ده منين؟ كان من بين السبعين تلميذا الذين اختارهم السيد المسيح. فعلا؟ طبعا هو ده رأي فيه رأي بيقول هو كان من السبعين تلميذ. وبعدين طب هو اممي من انطقيا وقد صار يهوديا ثم امن بالمسيحية وكانت من - [00:14:12](#)

سبعين تلميذ هو هنا كالعادة برضه بيضرب كل الراء في الخياط. قد عرف القديس بولس وشاركه رحلاته ودعاه الطبيب الحبيب والعامل معه ويذكر تقليد قديم بانه كان رساما وانه تنيح في بيثينية باسيا الصغرى. في سن متقدمة بعدما - [00:14:32](#)
عانى من الاضطهاد ويشير اليه القديس النيزيانزي بانه قد استشهد بعد استشهاد الرسولين بطرس وبولس وهو الارجح. هنا بيقول لك قد كتب انجيل هو سفر اعمال الرسل عام من ستين لثلاثة وستين. طبعا ده بدري قوي. اغلب العلماء يقولوا لأ ده اتكتب بعد كده. من سبعين خمسة وسبعين لخمس - [00:14:52](#)

وتمانين حد. خلي بالك هنا لما بيقول انه يمتاز اسلوبه اليوناني بعمق ثقافته اليونانية. ما هو دي من ضمن الحاجات اللي خلينا نقول هو اصلا كان امميا. طب هل هو صار يهودي ثم ما اعرفش. طب هو كان من السبعين وبعدين عرف بولس؟ ما هو يا اما - [00:15:12](#)
من السبعين يا اما كان من تلاميذ بولس. زي ما قلت هو ضارب الراء في بعض. طب انجيل القديس يوحنا كان القديس يوحنا مش القديس مر يوحنا ما علينا اخا ليعقوب الكبير يعقوب الكبير. وابوهما زبدي. يعقوب الكبير ده في كزا واحد اسمه يعقوب في العهد الجديد - [00:15:32](#)

وهنشوف الكلام ده فيما بعد. وكانت له عدة سفن في بحيرة طبرية. وامهما كانت من المريمات الخادمت. مش بيقول لك في مريمات كده في نص بيقول مريمات هي كانت واحدة منهم يعني. ما هو بيقول لك مريم المجدلية ومريم مش عارف مين ومريم الاخرى في كزا مريم كده. وقد اختصه الرب يسوع بمحبة خاصة عن باقي الرسل. هو - [00:15:52](#)

تقليدا بيتقال ان كاتب انجيل يوحنا هو يوحنا الحبيب ليه الحبيب اللي هو التلميذ الذي كان يحبه يسوع اللي هو مذكور في انجيل يوحنا. طبعا ما فيش دليل على كده لكن ما علينا. وعملنا فيديو عن الموضوع ده. وقد اختصه الرب يسوع بمحبة خاصة عن باقي

الرسل لانه كان شابا وكان حكيما - 00:16:15

وطاهرا والباقيين يعني ما كانوش لاحز ان كلامك جارح ولذلك كان يرافق رب المجد مع بطرس ويعقوب اخيه في ظروف خاصة.

ماشي. كان هو ايضا اكثر حبا للمخلص. فلم يهرب عند القبض عليه - 00:16:35

لاحز ان كلامك جارح. برة افاقة وخلال المحاكمة والصلب ولزلك استحق ان يأخز بركة ام النور في بيته. ما علينا. طبعا كل الكلام ده يعني اغلبه الشيخ رحمة الله الهندي بيقول رجم بالغيب. هنا بيقول لك وبعد انتقالها للمجد اللي هي مريم عليها السلام. خدم في اسيا

الصغرى وقد جلده الامبراطور - 00:16:50

والقاه في زيت مغلي وفضل عايش عادي يعني. ثم نفاه الى جزيرة بطمس حيث رأى رؤية عن الامجاد اللي هي صفر الرؤية يعني وسجلها في سفر الرؤية وله ثلاثة رسايل قصيرة. وانجيل يركز على لاهوت المسيح. ردا على الهرطقات التي ظهرت في زمانه -

00:17:10

طبعا هرطقات في زمن واحد من تلاميذ المسيح ما علينا. واستكمالاً للانجيل الثلاثة الاخرى من احداث عن المخلص واقواله واعماله. وقد عاش حتى نهاية القرن الاول وتنيح في افاسيس. اعمال الرسل اجمعت الكنيسة الاولى على ان كاتبه هو القديس لوقا

الطبيب. طبعا حتة اجمعي - 00:17:30

دي طب هي اجمعت على حاجات تانية ولا انت يعني بخلت ان انت تقول لنا اجمعت على ايه ؟ هي الفكرة ان واضح جدا ان انجيل لوقا الرسل كانوا حاجة واحدة. فيما انهم نسبوا هذا الانجيل للوقة يبقى هو كمان لوقا كاتب اعمال الرسل. لان كاتب الانجيل الثالث -

00:17:50

حتى مرقص لوقا كاتب الانجيل الثالث هو نفسه كاتب اعمال الرسل وده ظاهر. فبيقول لك حيث انه يعتبر ملحقا لانجيله ويتشابه الاسلوب فيهما طبعا هي الفكرة ان احنا لو قرينا اعمال الرسل مش هنعرف مين اللي كتبه ولو قرينا انجيل لوقا مش هنعرف مين اللي

كتبه وفي تقديمهما لشخص واحد - 00:18:10

رفيع المستوى الاجتماعي هو ثوفيلوس حبيب الله. يعني بداية انجيل لوقا بيخاطب واحد اسمه سوفيلوس وبداية اعمال الرسل بيخاطب واحد والكلام الاول وبعد كده يعني باين ان هم لهم علاقة ببعض الصفرين. فالكنيسة نسبت الانجيل الثالث للوقا يبقى هو

كمان كاتب اعمال الروس. كما - 00:18:30

يدل التكلم بضمير المتكلم الجمع. ده الانجيل الوحيد اللي بيتكلم بضمير متكلم. في بداية الانجيل رأيت انا ايضا اذ قد تتبعت كل شيء من الاول. وبعد كده في اعمال الرسل فيه بعض الفقرات. بعض الاصحاب التاسع بيتكلم بضمير - 00:18:50

اتكلم مش ضمير غايب. بنقدر نفهم من الكلام ده. انه غالبا بالفعل لو هناخد بالظاهر يعني. ان كاتب انجيل له او كاتب اعمال الرسل حاضر في الحاجات اللي اتكلم فيها بضمير متكلم. وكان غايب في الحاجات اللي اتكلم فيها بضمير. الغايب. يبقى بالتالي كل الانجيل -

00:19:10

عدا فقرته الاولى بيتكلم بضمير الغايب. يبقى ما ينفعش نقول انه كان واحد من السبعين او كان تلميذا او كان شاهد عيان. لانه في كل الانجيل بيتكلم بضمير الغائب. لكن في بعض رحلات بولس بيتكلم بضمير المتكلم. يبقى هو كان من رفقاء بولس. كما يدل -

00:19:30

بضمير المتكلم الجامعة نحن على مرافقته للرسول بولس في بعض تجولاته التبشيرية في اسيا الصغرى واليونان وايطاليا. ويرى البعض تسميته بسفر اعمال الروح القدس ويسجل الدليل العملي على صحة اقوال ربنا يسوع ونبواته عن مستقبل انجيله وانتشاره

السريع في اشهر المدن - 00:19:50

بعد صعود الفادي مباشرة يعني مهو انت الدليل العملي على صحة اقوال ايه واحنا ايش عرفنا اصلا ان اللي هو كاتبه ده صح اللي هو انا بستدل بنفسي على صحة اللي انا قلته. هنا هو بيقول ولو ولو ان اسم السفر اعمال الرسل لكنه ركز على بعضهم خصوصا بولس

يعني - 00:20:10

حيث قيل انه قيل عن كاتب السفر يعني. لم يحصل على معلومات عن خدمات باقي الرسل. الروح القدس ما قالوش حاجة يعني بخصوصهم ما علينا. طيب من الرسائل التعليمية ورسايل القديس بولس. رسالة بولس الى اهل روميا. رسالة روميا. مين كاتب الرسايل؟ طبعا احنا قلنا قبل كده انه - [00:20:30](#)

بشكل ايماني تقليدي. بولس كاتب اربعتاشر رسالة بما فيهم العبرانيين. وهنشوف دلوقتي هو كلامه عن الرسالة الى العبرانيين ايه بالزبط لكن بشكل تاريخي ونقدي. العلماء عارفين ان بولس ما كتبش الرسالة العبرانيين وباقي رسايله التلتاشر بتتقسم - [00:20:50](#) سبعة وثلاثة وثلاثة. سبعة بولس ممكن يكون كتبهم فعلا. وثلاثة مشكوك فيهم هل بولس كتب ولا ما كتبش. وثلاثة غالبا بولس ما كتبش روميا من الرسايل آآ اللي اغلب العلماء بيقلولوا ان بولس كتبها. وخل بالك بولس هو اول واحد يكتب اصلا بشكل تاريخي قبل ما - [00:21:10](#)

انا جيت اتكتب. قال لك هو القديس بولس الرسول وقد كتبها باللغة اليونانية من كورينسوس باليونان نحو عام ثمانية وخمسين لستين قد حملتها الشماسة فيبي الى روما ولم يكن القديس بولس قد زارها. وانما كان له اصدقاء بها. ولم يعرف من الذي نقل المسيحية الى عاصمة الامبراطور - [00:21:30](#)

الرومانية ولكن يعتقد كثيرون انهم من اليهود الذين حضروا عيد العنصرة في اورشليم. تمتاز بانها اكثر سيد القديس بولس الرسول بلاغة وسموا في تعليمها. رسالة بولس الاولى الى كنيسة كورينسوس. هنا بقى هيبتي يتكلم عن المدينة نفسها وآآ - [00:21:50](#) بصراحة ده مش موضوعنا يعني. لكن هو خلاص بولس هو اللي كتب. رسالة القديس بولس الثانية الى كنيسة كورينسوس. كتب القديس بولس الرسالة رسالة القديس بولس الرسول الى كنايس غلاطية. قال لك مقاطعة غلاطية تقع في كزا وقد كتبها القديس بولس نحو كزا. رسالة - [00:22:10](#)

القديس بولس الى كنيسة افاسوس مدينة افسيس كلمة يونانية تعني المرغوبة عاصمة مقاطعة اسيا الرومانية. رسالة القديس بولس الى كنيسة فيليببي. مدينة فيليببي محبة الخيل تقع على تل مش عارف مين زارها القديس بولس الرسول سنة كزا وتم حبسه مع سيلا وقد امن حافظ السجن وكانت فيها - [00:22:30](#)

اول كنيسة اسسها القديس بولس الرسول في اوروبا. وقد كتب القديس بولس هذه الرسالة وهو في حبس بروما نحو عام ثلاثة وستين ميلادي. رسالة القديس بولس الى كنيسة كولوسي تقع مدينة كولوسي كولوسيا في مقاطعة - [00:22:53](#) خريجية بالقرب من لودكيا. لم يبقى منها سوى قرية تركية خربة تسمى مش عارف ايه. وقد كتب اليه القديس بولس الرسول رسالته اسناء حبسه في روما نحو ثلاثة وستين. رسالة القديس بولس الاولى الى كنيسة سالونيكي. مدينة سالونيكي هي سالونيكي الحديثة في مقاطعة مكدونيا وقرب - [00:23:09](#)

وقد حملت اسم اخت الاسكندر الاكبر. وقد بشر القديس بولس الرسول في مجمعهم واسس كنيسة بها سنة اثنين وخمسين. وقد كتب اله بولس الرسول رسالته الاولى في بداية عام ثلاثة وخمسين. هو اول واحد كتب في الخمسينات ده حتى تقليدا من الناحية التقليدية - [00:23:29](#)

بولس اول واحد يكتب قبل ما الاناجيل تكتب. هو كتب بدأ كتابة في الخمسينات. الاناجيل بدأت تكتب في الستينات. ده من الناحية تقليدي والا فاعلم العلماء بيقبلوا التواريخ التقليدية امتى بولس كتب في الخمسينات كده في بداية الخمسينات والاناجيل - [00:23:49](#)

اتكتب متأخر شوية. اقدمهم انجيل مرقص زي ما قلت سبعين خمسة وسبعين بعد كده ثمانين خمسة وثمانين. وتسعين خمسة وتسعين. مرقص يوحنا. رسالة القديس بولس الثانية الى كنيسة سالونيكي. كتب القديس بولس الرسول للسنة الثانية لشعب سالونيكي لتوضيح بعض النقاط الغامضة - [00:24:09](#)

في الرسالة الاولى والتي ظن منها البعض ان مسجون المسيح على الابواب ليشرح ما يسبق مجيئه من ارتداد كبير ومجيء المدعو ضد طبعا فكرة ان ظن منها البعض ان مجهول المسيح على الابواب ده كلام واضح وصريح. اما نحن الاحياء الباقين الى قدوم -

ما علينا. رسالة القديس بولس الرسول الاولى الى تلميذه الاسقف تيموساوس. اغلب العلماء بقى يقولوا ان بولس ما كتبش الرسالة دي. لكن بشكل تقليدي اكيد بولس هو اللي كتبها. الاسم تيموساوس يوناني ومعناه مهيب او موقر لله. كان ابن امرأة يهودية واب يوناني لكنه نشأ - 00:24:49

على مبادئ اليهودية بعناية جدته وامه. وقد امن على يد القديس بولس الرسول وساعده وصار رفيقا له في رحلاته التبشيرية. ودعاه ابنه الصريح والحييب والامين. وكان يوفده الى الكنايس لدراسة احوالها. وتقديم تقرير للرسول عنه. وبعدين رسالة القديس بولس الرسول - 00:25:09

الى تلميذه الاسقف تيموساوس. اخر رسالة كتبها القديس بولس الرسول دي يعني هو بيقول لك دي اخر رسالة كتبها. من روما سنة سبعة وستين امك قبض عليه نيرون وقطع رأسه ونال اكليله. اكليل الشهادة يعني. وتم صلب القديس بطرس الرسول في نفس الفترة هناك. واعلن فيها انه اسير - 00:25:29

موقع الاستشهاد وتعتبر كوصية اخيرة الى ابنه في الرب وكزا وكزا. رسالة القديس بولس الرسول الى تلميذه تيتوس. في مستوس الاولى والثانية وتيتوس اغلب العلماء بيقولوا بولس ما كتبش الرسايل دي. كان تيتوس خادما مع القديس بولس الرسول وقد ولد من ابوين امميين ربما في ان تقي بسوريا وان - 00:25:49

قد كسبه للايمان المسيحي ورافقه في عدة اماكن قد اوفده القديس مش عارف مين يذكر التقرير القديم انه ظل بها حتى تنيح شيخوخة صالحة. رسالة القديس بولس الى فليمون قال لك دي رسالة قصيرة جدا ولكنها عميقة المعاني والتعليم ارسلها القديس بوليس الرسول مع العبد - 00:26:09

من سيموس الى سيده فيلمون في مدينة كلوسي باسيا الصغرى. ويرجح ان فليمون قد امن على يد القديس بولس الرسول في افاسوس وانه قد اسس كنيسة في في كلوسي وكان قد سافر الى روما في تجارة حيث هرب منه عبده وانسيمس واختفى في مكان ما بما سرقه منه من اموال - 00:26:29

رسالة للعبرانيين. هنا بيقول لك ايه بقى؟ لم يذكر اسم كاتبها فيها كما جرت العادة في رسايل القديس بولس الرسول السابقة. هنا هو بيقول عن الرسالة للعبرانيين لم يذكر اسم كاتبها فيها. اصل انت حاطط فصله هنا ليه؟ الفصله دي غلط. كما جرت العادة في رسايل - 00:26:49

القديس بولس الرسول السابقة. يعني في رسايل القديس بولس السابقة جرت العادة انه يذكر اسم كاتبها. انا مش عارف بصراحة انا حاسس هيجرى لي حاجة. علامات الترقيم والله مهمة. قال لك قد اعتبرتها الكنايس الشرقية من كتابات القديس بولس الرسول. يعني ايه قد اعتبرتها؟ جدعنة - 00:27:09

كده يعني وكما اعلنه البابا اثناسيوس والعلامة اوريجانوس والمؤرخ يوسابوس القيصري طبعا كلام الالباء حول الكاتب مدعكة اقل ما يقال ورجالوس نفسه اثبت ونفى واثبت ونفى. يعني كان كل شوية يغير رأيه من كاتب الرسالة الى العبرانيين. يوسابيوس القيصري في كتابه تاريخ الكنيسة - 00:27:29

ذكر هذا الخلاف حول كاتب رسالة الى العبرانيين. طيب واعتقد العلامة اكليمنس الاسكندري ان القديس لوقا قد ترجمها من العبرية الى اليونانية ايوة مين اللي كتبها بولس يعني؟ بينما رأى العلامة ترتيليانوس انها من وضع برنابا الرسول. واعتقد الزعيم البروتستانتى مارتن نوثر انها بقلم ابول - 00:27:49

الاسكندري. طبعا كل ده هذا الخلاف دليل واضح على فقدان السند. لو كان عندهم سند لغاية الكاتب كانوا قطعوا بمين الكاتب يرى البعض ان عدم ذكر بولس اسمه في مقدمتها راجع الى انه لم يرد ان يصدم قراءها من اليهود المتنصرين بانه هو كاتبها حتى يستمر - 00:28:09

في قراءته او الاستفادة بها حيث انها وجهت الى اليهود المؤمنين بالمسيح في فلسطين وبلاد المشرق كله خاصة عندما يقول لقراءه

انظروا ان لا استعفوا من المتكلم. كتبت في ايطاليا نحو كزا ما علينا. خل بالك حين هو يقول ايه ؟ دي اتكتبت قبل خراب هيكل اورشليم اللي كان في السبعين ميلادية - [00:28:29](#)

انت عرفت منين ؟ للاشارة لوجوده والذبايح التي تقدم فيه. يعني الرسالة ذكرت الهيكل التي تقدم في الهيكل يبقى الهيكل ده كان موجود على ايامه يبقى اتكتب قبل الهيكل. فيه اشارات زي كده. في الاناجيل العلماء قالوا مفادها - [00:28:49](#)
ان الكلام ده اتكتب بعد خراب اورشليم وبعد دمار الهيكل. طيب للاسف فيه صفحات سقطت من النسخة المصورة في الصفحة رقم متين واحد وتلاتين بيتكلم عن الرسائل الجامعة الكاثوليكون. وبيبدأ برسالة القديس يعقوب الرسول العامة - [00:29:09](#)
انا فاكره ان بعض العبرانيين فيه رسالة يوحنا الاولى والثانية والثالثة وبطرس الاولى والثانية وبعد كده يعقوب بعد كده يهود وبعد كده سفر الرؤية. فهو ليه بيبدا رسالة القديس يعقوب الرسول العامة ؟ هنا قالك الرسالة الجامعة كاثوليكون هي رسالة عامة - [00:29:29](#)

اما مرسلة لكل الكنايس بدون تحديد. ويضم العهد الجديد سبع رسائل عامة سنذكرها فيما بعد. واولها رسالة القديس يعقوب بن اوكلوبة. يعقوب الصغير خلي بالك كاتب رسالة يعقوب. انهي يعقوب ؟ هل هو يعقوب الكبير اللي هو - [00:29:49](#)
ويعقوب ابن زبدي اخو يوحنا ابن زبدي يوحنا كاتب الانجيل المفروض. لأ. قال لك لأ. ده واحد ثاني اسمه يعقوب بن حلفي. خل بالك يعني عند الدارسين فيه خلاف فيه اكثر من يعقوب. فيه بعض الناس بتقول هو يعقوب الكبير. هو مين يعقوب الكبير؟ اللي هو يعقوب ابن زبد اخو - [00:30:09](#)

حنا ابن زبدي في واحد ثاني اسمه يعقوب اخو الرب. موضوع يلخبط يعني ما علينا. قال لك ده اسمه يعقوب بن حلفي اللي هو يعقوب الصغير. ده اخد الاثنى عشر والده كان متزوجا بمريم اخت العذراء مريم. نعم. مريم اخت العذراء مريم. اللي هو ازاى؟ اللي هو مريم اختها مريم - [00:30:29](#)

اللي هو حاجة ما بتحصلش. اللي هو آآ محمد وكمان اخوه اسمه محمد فيبقى فيه محمد اولاني ومحمد ما علينا. يذكر التقرير انه كان اخا ليوסף النجار وانه انجب يعقوب ويوسي وسمعان ويهوذا. لم يذكر الكتاب المقدس اسمائهن - [00:30:49](#)
خلي بالك هو بيخلي يعقوب بن حلفي هو يعقوب اخو الرب. اخو الرب منين؟ قال لك والده كان متزوجا وجنب مريم اخت العذراء مريم. اللي هو كان اخو يوسف النجار. يوسف النجار خد مريم ام يسوع واخوه خد مريم - [00:31:09](#)
اخت مريم ام يسوع. انت اتلخبطت صح؟ ما علينا. فده هنا يعقوب اخو الرب اللي هو يعقوب ابن حلف، اللي هو يعقوب الصغير. وقد وصف بانه اخو الرب يسوع وكان اول اسقف لكنيسة اورشليم ايام الرسل. ووضع اول قداس في العالم. خل بالك اقسام بالله اللخبطة مش - [00:31:29](#)

اللخبطة من التقليدي المتلخبط. هو فيه كزا واحد اسمه يعقوب. هو كالعادة كأنه ضربهم كلهم في بعض. قال لك ورأس الرسول الاول سنة ثلاثة وخمسين ده اللي في اعمال الرسل خمستاشر. وقد وصفه اليهود بالبار بسبب قداسته ولاستجابة الرب لصلاته. بيقول - [00:31:49](#)

قد كتب القديس يعقوب رسالته الى اليهود الذين امنوا بالمسيحية في الشتات. ويرى البعض انها من اوائل اسفار العهد الجديد. ده علشان خاطر يقدرنا يجيبوا تاريخها لان يعقوب ده مات بدري مات آآ استشهد في سفر اعمال الرسل قال لك - [00:32:09](#)
اعترض عليها الزعيم البروتستانتس مارتن لوثر سم عدل عن خطئه ما اعرفش عدل ولا لأ. حيث ظن انها تتناقض مع تعليم القديس بولس. عملنا فيديو عن الموضوع واكثر من فيديو حتى. فيه برضو ساقط من النسخة المصورة في الصفحة رقم متين اربعة وتلاتين. رسالة القديس بطرس الرسول الجامعة الاولى - [00:32:29](#)

هو بدأ بيعقوب بعد كده بطرس الاولى. الترتيب ده مش هو الترتيب اللي في الكتاب المقدس ما علينا. القديس بطرس الرسول هو احد الرسل الاثنى عشر واسمه سمعان تسمى كيفا او صفا بالارمنية وباليونانية بطرس. باتروس اي صخرة او حجر. وتلمذ للمسيح منذ البداية - [00:32:49](#)

ذهب في اواخر ايامه الى روما حيث صلبه نيرون الطاغية منكس الرأس. بناء على طلبه كما ذكره العلامة اوليجانوس. تقليد وقد قيل ان القديس بطرس الرسول كتب رسالته الاولى الى كنايس اسيا الصغرى كما هو واضح من مقدمتها اللي هو كاتبها لمين يعني؟ ما بين عامي ثلاثة - [00:33:09](#)

وستين وسبعة وستين وكان يهدف الى تقوية ايمان المسيحيين هناك بسبب شدة الاضطهادات في ذلك الوقت وبث روح الرجاء بالابدية واحتمال الاف الدنيا من اجلها. بعد كده بيدخل على رسالة القديس بطرس الجامعة الثانية. فقال لك كتب هذه الرسالة

القديس بطرس الرسول قبل استشهاده مباشرة - [00:33:29](#)

في روما سنة سبعة وستين. طبعا اغلب العلماء عارفين ان لو كان بطرس هو اللي كتب الاولى فلا يمكن يكون هو اللي كتب الثانية. ولو هو اللي اكتب الثانية فلا يمكن يكون هو اللي كتب الاولى. واغلب الظن ان لأ دي رسالة بطرس الثانية دي بتمثل حالة متأخرة في تاريخ المسيح - [00:33:49](#)

فغالبا بطرس مش هو اللي كتبها. هي موجهة ايضا لكل الكنايس في الشتات لتحذير المؤمنين من التعاليم الكاذبة التي انتشرت في زمانه وضرورة التمسك بالايمان سليم يشير الى بعض احداث مع المخلص مثل وجوده مش عارف مين وشار الى وشارته الى رسايل القديس بولس الرسول دليل على وصولها اليه - [00:34:09](#)

وقراءتها. طبعا اشارته لرسايل بولس دي من ضمن الاشارات المتأخرة. ازاى يعني يكون كتب في سنة سبعة وستين ويكون وصل له اي البولس. بعد كده فيه عنده رسالة القديس يوحنا الرسول الجامعة الاولى. الجامعة يعني العامة يعني. هي كلها رسايل جامعة بس ما علينا - [00:34:29](#)

هذه الرسالة الجامعة لكنائس اسيا الصغرى والتي خدمها او خدم فيها القديس يوحنا الرسول الحبيب حتى نياحته بافسيس هي اطول من رسالتيه الثانية الثالثة وهي خالية من التحية والبركة التي تفتتح بها الرسائل الرسولية عادة. ويرجح ان القديس يوحنا الرسول كتبها ما بين سنة تسعين ومية. وهي - [00:34:49](#)

هي مجرد عظة عامة اكثر منها رسالة. وقد كتبت لدحض البضع الغنوسية التي ظهرت في ايامه والتي زعمت ان المسيح لم يكن في جسد مادي بل لانهم اعتبروا المادة شرا. رسالة يوحنا الثانية رسالة قصيرة ولكنها ذات معان غزيرة وكتبها القديس يوحنا الحبيب - [00:35:09](#)

في اسيا الصغرى ويصف نفسه فيها بانه شيخ ووجهها الى كيريا اي سيدة باليونانية المختارة والى اولادها وترجع بعد عام ستة وتسعين. ويرى البعض انها رسالة خاصة لسيدة مسيحية فاضلة ذات ابناء. بهدف تثبيتهم في تعليم المسيح السليم. ولذلك فهي - [00:35:29](#)

اعتبر رسالة عامة ونافعة لكل الشعب معني. هنا رسالة يوحنا الثالثة يبدو ان القديس يوحنا الرسول قد ارسل هذه الرسالة يبدو يعني. ماشي. الى الاخ غي او جايوز الكورنسي الذي اقام في روما من قبل. وقيل انه كان عضوا بكنيسة كورينثوس وكان غنيا في النعمة والمال. وقد انفق مالا كثيرا - [00:35:49](#)

على الخدمة ونشر رسالة الخلاص هناك. وقيل ايضا انه ربما كان شخصا اخر. لان اسم غيث كان شائعا. هو اسم غيث لوحده اللي كان ولا اسم يوحنا كمان ومقرص كمان. ما علينا. هنا رسالة القديس يهوذا. مين يا هوذا ده؟ يهوذا اللي شق نفسه - [00:36:09](#)

اليهود الخاين لأ طبعا. قال لك القديس يهوذا هو احد الرسل الاثني عشر. واخو يعقوب ابن حلف كما اوضحه في رسالته وهو احد اخوة الرب. اي من ابناء كلوبة اخو القديس يوسف النجار وزوج مريم اخت. مريم ام النور - [00:36:29](#)

حسب التقليد. هنا كالعادة ده موقع الانبا تاكلا قاموس الكتاب المقدس دائرة المعارف الكتابية المسيحية التلاميذ الاثني عشر. مين بقى التلاميذ الاثني عشر؟ قال لك الاول سمعان. ده كما هو مكتوب في انجيل متى. واندراس ويعقوب ابن زبدي. ويوحنا اخوه. فيبقى يعقوب ابن زبي - [00:36:49](#)

ده غير يعقوب الثاني. وبعدين فيليبوس ومارسيلماوس وتوما ومتى العشار ويعقوب بن حلفا. هنا بقى قال لك وليبوس الملقب

وسمعان القانوني ويهوذا الاسخريوطي. هنا لبوس الملقب تداوس. عرفنا منين ان اسمه يهوذا. هنا برضه - [00:37:09](#)

موقع الانبا تيكلا تاريخ الكنيسة القبطية الارثوذكسية. مذكرات في تاريخ الكنيسة المسيحية القمص ميخائيل جريس ميخائيل. القديس يهوذا لباوس الملقب يهوذا غير الاسخريوطي. يعني في يهوذا اسخريوطي ويهوذا اللي مش اسخريوطي. يدعى ايضا تبوس تيداوس ولباوس. ويهوذا اخ يعقوب - [00:37:29](#)

تمييزا له عن يهود الاسخريوطي التقليد القديم يؤكد انه اخو يعقوب كما ذكر القديس لوقا في انجيله وسفر اعمال الرسل ليس ابن يعقوب كما في الترجمة السريانية. هو احد الاربعة المذكورين في كتاب العهد الجديد اخوة الرب. خلي بالك يعني العهد الجديد ظني - [00:37:49](#)

انه لا يذكر ان تداوس ولا لباوس الملقب تداوس ده اسمه كمان يهوذا. هنا بيقول لك سمي تداوس في انجيلي مرقص ومتى وهو الأخ يعقوب ابن حلفة حسب انجيل لوكا ماشي بس فين اتسمى يا هوذا؟ انا ظني ان دي مشكلة وهم بيحاولوا يحلوها. ان مين يهوذا - [00:38:09](#)

ده اللي هو غير الاسخريوطي. هو يهوذا الاسخريوطي فين يهوذا اللي مش اسخريوطي؟ فين المرجع اللي بيقول كده؟ رسالته كتبت في النصف الثاني من القرن الاول الميلادي. لا جزاك الله خيرا على هذه المعلومة. كل العهد الجديد اتكتب في النصف الثاني من القرن الاول. دي دلالة ان احنا ما نعرفش اي حاجة. والهدف منها - [00:38:29](#)

تحذير المؤمنين. نوجه القديس يهوذا رسول النظر الى ما سيحدث. ينقل عن التقليد اليهودي موضوع صراع رئيس الملائكة الجليل ميخائيل وابليس عندما اراد اظهار جسد موسى بعد دفنه لكي يعبد اليهود. وقد ورد ذلك في سفر ما يسمى صعود موسى ابوكليفا. ده بينقل عن اسفل - [00:38:49](#)

يبقى هي بتحمل معلومات حقيقية وصحيحة كما ينقل عن سفر نبوة اخنوخ ابوكريفا فيما يتعلق بمجيء الرب يسوع الثاني لدين العالم بينقل عن كتب ابوكروفا اخر حاجة سفر رؤيا يوحنا اللاهوتي. اسم هذا السفر. كشف او اعلان سماوي. ابو غلامسيس - [00:39:09](#)

يعني صفر رؤية رؤية مش معناها كان بيحلم لأ معناه كشف او اعلان سماوي. قال لك ده يوحنا الحبيب هو كاتب الانجيل وكاتب الرسائل رغم ان ده خلاف ما بين اباء الكنيسة زي ما زكرنا قبل كده. رسالة مرسلة من السماء بيد يوحنا الحبيب الى كنائس - [00:39:29](#)

هو سفر رمزي لا يؤخذ المعنى فيه بالحرف. وانما كل الارقام والحيوانات والاحداث لها دلالات معينة. وكثر الجدل والاجتهاد الشديد حول معانيها ولا سيما بين الطوائف المحدثه المختلفة. كده احنا خلصنا كل اسفار الكتاب المقدس العهد القديم والعهد الجديد - [00:39:49](#)

الاسفار القانونية الثانية عرفنا الموقف الايماني التقليدي. حول كتبة هذه الاسفار. طبعا الخلاف بيظهر اكر في العهد القديم وهو هنا بيحاول يلم الموضوع اكر من ناحية العهد الجديد. في في دماغي كتاب او اثنين تانيين برضو بيمثلوا وجهة - [00:40:09](#)

النظر الايمانية التقليدية حول كتبة الاسفار. غالبا هعمل عنهم فيديوهات علشان نشوف هل هم متفقين حتى بشكل ايماني تقليدي خصوصا في اسفار العهد الجديد ولا لأ؟ انا ساكتفي بهذا القدر في هذا الفيديو لو حاز هذا الفيديو على اعجابك فلا تنسى ان تضغط على زر اعجبني ولا تنسى ان تقوم بمشاركة الفيديو - [00:40:29](#)

اصدقائك المهتمين بنفس الموضوع ولو كنت قادرا على دعم ورعاية محتوى القناة. لو انت شايف ان هذا المحتوى يستحق الدعم والرعاية فقم بزيارة صفحتنا على بتريان او او حتى قنبلة ساب للقناة ستجد اللينكات كلها تحت في وصف الفيديو. الى ان نلتقي في فيديو اخر قريبا جدا باذن الله عز وجل لا تنسوني من صالح دعائكم. والسلام - [00:40:49](#)

عليكم ورحمة الله وبركاته - [00:41:09](#)